



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ԲԱՂԱՔԻ ԿԵՆՏՐՈՆ ՎԱՐՉԱԿԱՆ ՇՐՋԱՆԻ ՂԵԿԱՎԱՐ

ք. Երևան, Տերյան փող., 44, հեռ.՝ (+374 11) 518 401, էլ. փոստ՝ kentron@yerevan.am

N 851-16

«18» 10 2019թ.

Ո Ր Ո Շ ՈՒ Մ ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

Երևանի քաղաքապետարանի աշխատակազմի առևտրի և սպասարկումների վարչության առաջին կարգի մասնագետ Հայկ Մարգարյանի կողմից 01.10.2019թ. կազմված թիվ 032272 վարչական իրավախախտման վերաբերյալ արձանագրության հիման հարուցված վարչական վարույթում Երևան քաղաքի Կենտրոն վարչական շրջանի վարչական իրավախախտման վերաբերյալ գործերը քննելու և վարչական տույժ նշանակելու համար նյութերը նախապատրաստող հանձնաժողովը /այսուհետ՝ Հանձնաժողով/, Երևանի Կենտրոն վարչական շրջանի ղեկավարի 08.02.2019թ. թիվ 49-Ա որոշմամբ հաստատված կազմով, 18.10.2019թ. տեղի ունեցած նիստի ընթացքում քննեց 01.10.2019թ. կազմված թիվ 032272 արձանագրության մեջ նշված վարչական իրավախախտման վերաբերյալ գործը, որի համաձայն <<Լինդա Քեյք>> ՍՊ ընկերության տնօրեն Լիդա Խաչատրյանի կողմից 16.09.2019 թվականին Երևան քաղաքի Տ.Մեծի թիվ 33 1/2 տարածք հասցեի դիմաց իրականացվել է ոչ սահմանված վայրում առևտուր:

Գործի քննության ընթացքում Հանձնաժողովը, Էական փաստական և իրավաբանական հանգամանքների հետազոտման արդյունքում, պարզեց, որ <<Լինդա Քեյք>> ՍՊ ընկերության տնօրեն Լիդա Խաչատրյանի կողմից կատարվել է վարչական իրավախախտումների վերաբերյալ օրենսգրքի /այսուհետ՝ Օրենսգրքի/ 162-րդ հոդվածի 1-ին մասով /ոչ սահմանված վայրերում առևտուր իրականացնելը/ նախատեսված վարչական իրավախախտում:

Ելնելով վերոգրյալից, հիմք ընդունելով Հանձնաժողովի ուսումնասիրության արդյունքները և գործի քննության ընթացքում պարզված հանգամանքները, ղեկավարվելով Օրենսգրքի 23-րդ հոդվածի

2-րդ մասով, 162-րդ հոդվածի 1-ին մասով, 219.1-րդ և 281-րդ հոդվածներով, Երևան քաղաքի ավագանու 07.05.2010թ. «Երևան քաղաքի վարչական շրջանների ղեկավարներին լիազորություններ պատվիրակելու մասին» թիվ 96-Ն որոշմամբ, Վարչարարության հիմունքների և վարչական վարույթի մասին օրենքի 59-րդ հոդվածի 2-րդ մասով,

ՈՐՈՇՈՒՄ ԵՄ

1. <<Լինդա Քեյք>> ՍՊ ընկերության տնօրեն Լիդա Խաչատրյանին 162-րդ հոդվածի 1-ին մասով ենթարկել վարչական պատասխանատվության՝ նշանակելով վարչական տույժ 110.000 /հարյուր տաս հազար/ ՀՀ դրամի չափով:

2. Առաջարկել <<Լինդա Քեյք>> ՍՊ ընկերության տնօրեն Լիդա Խաչատրյանին միջոցներ ձեռնարկել իրավախախտման պատճառները և պայմանները վերացնելու ուղղությամբ և Օրենսգրքի 305-րդ հոդվածի համաձայն 110.000 /հարյուր տաս հազար/ ՀՀ դրամ վարչական տուգանքը վճարել սույն որոշումը ստանալու օրվանից ոչ ուշ, քան տասնհինգ օրվա ընթացքում՝ վճարում կատարելով կենտրոնական գանձապետարանի 900015213110 հաշվեհամարին: Օրենքով սահմանված ժամկետում տույժը չվճարելու դեպքում այն կարող է բռնագանձվել դատական ակտերի հարկադիր կատարման ծառայության միջոցով:

3. Կայացված որոշումը եռօրյա ժամկետում պատշաճ ձևով կուղարկվի <<Լինդա Քեյք>> ՍՊ ընկերության տնօրեն Լիդա Խաչատրյանին:

4. Որոշումը կարող է բողոքարկվել վերադատության կամ դատական /ՀՀ վարչական դատարան/ կարգով որոշումն ուժի մեջ մտնելու օրվանից երկու ամսվա ընթացքում:



ՎԻԿՏՈՐ ՄՆԱՅԱԿԱՆՅԱՆ